

Сыктыв вож



Кымын верстямман, сымын окотаджык тōдманы важсō, сымын тшōкыджыка юрад волō мōвп: а кодī ме сэтшōмыс, кытысь вон тайō му вылас, мыйсыма йōз вōлны рōдты подув пуктысьяс? Ёна-ō пыдын менам вужйōй, кызди артмис овōй? И мыйла уна сикт-грездын кызвын войтырысō откодь оваōс?

Буретш тайō юалōмьясыс ышōдмōаось Сыктывдін районса да Вьльгорт сиктса пыдди пуктана олысь, культураса да наукаса заслуженной уджалысь Эмилия Алексеевна Налимоваос босытчыны туявны медводз ассыс, а сесся Сыктывдінса мукōд войтырлысь ордпусō. Тадзи районса музейын зільысълон 2003 воын чужōма «Сыктывдінса рōдвуж» уджтас.

Медводз туялōмōаось Худяевьяслысь ордпусō (Эмилия Алексеевна лон нывдырся овыс — Худяева жō). Тайō рōдсō нимōдисны физика да математика наукаса доктор, профессор Сергей Иванович, «Россияса почётной дорожник» Владимир Иванович, 1987-1994 воясō Коми АССР-са Министрьяс Сōветон веськōдлысь Вячеслав Иванович да мукōд. 2003 воын котырлōмōаось татшōм ова войтырлысь аддзысълōм.

Худяевьяс бōрын во мысти районса история да культура музейын чукōртчылōмōаось Налимовьяс. Тайō вужсыс петісны учēной-профессорьяс Василий Петрович да Василий Васильевич, мир пасытала тōдса балалайка вōчысь Семён Иванович. Ōнія кадō культура сōвмōдмō пай пуктōны народной артистка Тамара Борисова, Коми Республикаса да РСФСР-са культураын заслуженной уджалысь Николай Магеров.

2005 воō Айму вōсна Ыджыд тышын Вермōмсянь 60 во тыригкежлō котырлōмōаось Оплесиньяслысь аддзысълōм. Тайō вужсыс петōм 200-ыс унджык морт дорйōмōаось Аймунымōс война кадō, а Николай Васильевич Оплесин лoис Сōветской Союза Геройōн.

Кольōм нэмса 30-ōд воясō Коми му туялōмō да сійōс нимōдмō тōдчана пай пуктис Вьльгортын чужлōм гижысь, общественной уджын водз-мостчысь Алексей Александрович Чеусов, кодōс 1938 воō мыжтōг мыждісны да пуксьōдісны лагерō. Тайō рōдсыс петысьяс тшōтш нималōны культураын, велōдан уджын, лызъон котралōмын да видз-му овмōсын. А Вьльгортын 16-20 нэмō чужысь Чеусовьяс пōвстын позъō казавны зєв аслысплōс нимьяс: Корней, Иуда, Елисей, Еремей, Сафрон, Андроник, Тивуртий, Меланья да Гликерия.

Чеусовьяс паныдасълōмōаось 2006 воын, а мōд онас районса музейлōн ыджыд жырйō абу тōрōмōаось Кузивановьяс — рōдвужлы ковмōма чукōртчыны районса культура керкаын. Рытсō нуōдōма Вьльгортса 1-ōд номера школаын география велōдысь Сергей Кузиванов. А ставнас юрсыктын

олō тайō рōдсыс 49 семья. Ōти татшōм котырысь петысь, Вьльгортса том зон Михаил Кузиванов служитōма Сьōд саридзса флотын, вōлōма Албанияын сōветникōн, пырōдчōма Куба Республика дорьян «Анадырь» военной операцияō. Сылōн Александр пиис да Владимир внукуыс тшōтш бōрйōмōаось военной туйвизь.

2009 вося апрельын уна гōсьт волōма и Ермолиньяслон

сетōма радейтана уджыслы.

«Сыктывдінса рōдвуж» проект збыльмōдōмысō оддзōма районса администрацияōн веськōдлысьлōн сōветник Владимир Муравьєвлон отсōгōн. Бōрря воясō откодь ова войтыр чукōртчылōмōаось Сыктывдін мулōн быд пельōсын: Ильчуковьяс да Кузьбожевьяс — Паджаын, Муравьєвьяс да Томовьяс — Ыбын, Елькиньяс — Сєськаын, Мартыновьяс — Лōзымын, Дорониньяс — Придашын, Семьяковьяс — Нювчимын, Лыткиньяс — Озєлын, Потолицыньяс — Часын, Размысловьяс — Пальын, Гаджиевьяс — Мандачын, Чабановьяс — Яснōгын...



Светлана Муравьєва гōсьтьяскōд.

чукōртчылōм вылō. Джынйыс вōлōма том йōз — сідзкō, быдмысь войтыр кōсийōны тōдны семьяыслысь историясō.

Ермолиныс Коми муын збыльысь уна. Татшōм ова олысьясō пасйōма 16-ōд нэмын нин Часын да Зеленечын. Медся нималана Ермолиньяс пōвстын — Степан Иванович. Часын чужлōм зонка быдмōма коми драма театрсa профессиональной артистōдз. Уна вося уджысь сылы сетōма РСФСР-са заслуженной артист да Коми АССР-са народной артист ним.

Мальцевьяс рōдысь войтыркōд аддзысълōмыс заводитчōма «Ми — Мальцевьяс» фотовыставкōн. Важ снимокьяс видзōдалігōн унаōн шензъōмōн тōдмавлōмōаось рōдвужсō, а сєрōнджык районса музейын зільысьяс паськыджыка висьталōмōаось быдōн йылысь. Торйōн казатыштōмōаось педагог Мальцевьясōс. Сыктывдінын бура помнитōны Ольга Александровнаос, Коми АССР-са школаын заслуженной велōдысьсō, кодī 50 во

Но и водзō кежлō уджыс уна на. Торйōн кō, арнас кōсийōны чукōртчыны Жаков рōдысь петысьяс, «Пармаса пророк» уджтас вылō вичмōдōм грант весьтō лōсьōдны-мичмōдны Каллистрат Жаковлы сйōм сквер, а май 20 лунō Сыктывдін районса история да культура музейō воласы «К.Ф. Жаков: олōм да творчество» войтыр-костса симпозиумō пырōдчысьяс.

А вōчōм нин уджыслы аслысплōс кывкōртōдōн лoис журналистьяс Светлана Муравьєваон да Валентина Ляхōн дасьтōм «Под сенью древа родового» небōг. Сйōма сійōс «Сыктывдінса рōдвуж» уджтаслы подув пуктысь Эмилия Налимовалы, а сідзжō казатыштōма 21 ова рōдысь петысьясōс. Районса история да культура музейын небōгсō нимōдны волісны зєв унаōн. И быдōн висьталіс аттьōалана бур кывьяс Эмилия Алексеевналы, музейын зільысьяслы, ордвуж туялōмын водзмōстчысьяслы.

— Эмилия Алексеевна кодь йōзыс велōдōны миянōс тōдны



Лидия Ильчукова чолōмалō Эмилия Налимоваос (шуйгавылас).



«Сыктывдінса рōдвужлы» сйōм небōг.

ассыным история, видзны да радейтны чужан мунымō, — пасйис Сыктывдін районса администрацияōн веськōдлысь Олег Лажанев. — Быдōнлы быть колō кутны вежōрас, кутшōм вужйысь сйō петіс-чужис, од кытчōдз помнитан, сэтчōдз мортыс, рōдыс ловья. Войдōр ме аслам рōд йылысь унатор жō эг тōд, а сєсся туялīm да, сы пасыта вōлōма ордвужным. 2005 воын Ярашъюын чукōртчылīm 120 сайō морт, кōть эськō виччысим 150-ыс унджыкōс. Ōні ми отамōднымōс тōдам-волысьям, и челядь ёртасъōны. Рōдвуж туялан уджсō колō нуōдны водзō, и водзмōстчыны таын колō тшōтш томуволы.

— Ме зєв шуда, мый мойвиис тōдмасыны Эмилия Алексеевна Налимовакōд, пōсь сьōлōма, инасōйыштōм морткōд, кодī кужō ышōдны йōзсō быд уджō, — висьталіс районса сōветōн юрнуōдысь Светлана Савинова. — Унджык эськō татшōм йōзыс, ас бōрся нуōдысьяс да ызъōдысьяс.

— Во джын сайын кымын карса автобус сувтланинын рытгоров нин аддзa — олōма ань синвасō чышкалō-бōрдō. Юалі, мися, гашкō, мыйōнкō отсавны? Кинас сōмынōвтыштіс, нинōм пō оз ков, а сєсся висьталіс, мый 1965 воын мунōма Сыктывкарысь Питерō. Ōні олō Ломоносовын. Пōрысладор окоталōма волыны чужанинас, аддзывны карсō, бать-мам керкасō. А вои пō да, карыс мōд, йōзыс тōдтōмōсь, бать-мам керка абу. Гашкō, и шойна вылын гуясыс абуос нин. Бōрдмōн забеднō пō лoис, — востіс сьōлōмсō «Под сенью древа родового» небōг дасьтысьясысьōти Светлана Муравьєва. — Бать-мамсяныд ставыс пансьō, пōль-пōчсяныд, чужанинсяныд. И та вōсна зєв

тōдчана тōдны ассыд вужтō, пыдди пуктыны матыссатō, медым миян сикт-грездын кызд позъō этша-джык вōлі пōвйōн тувьялōмō шина керкаыс. «Сыктывдінса рōдвуж» — вōвлытōм на уджтас. И сйōс колō збыльмōдны водзō. Корсыны-туявны выль и выль нимьяс, мед некодōс да нинōм эз ло вунōдōма.

«Коми войтыр» отму-нōмлōн Сыктывдін юкōнса нырщик, «Сыктывдінса рōдвуж» уджтас збыльмōдмō пай пуктысь Владимир Муравьєв эскōдіс музейын чукōртчысьясōс, мый проектс и водзō кутас пōртсыны олōмō, да аттьōаліс Светлана Батарееваос, Антонина Ватамановаос, Игорь Ореховос, Ирина Гаджиеваос да Василий Никитинос небōг лэдзы сьōмōн отсалōмысь, Надежда Беляеваос, Капитолина Бобковаос, Светлана Тюринаос, районса музейын, сиктса культура керкабиблиотекасын, «Наша жизнь» газетын зільысьясōс — отувья уджын водзмōстчōмысь.

Рытыс артмис шоньд, рōдвуж чукōртчылōм кодь. И весиг ме, дзик бокōвйō морт, кылі ачымōс ыджыд семьялōн ичōтик юкōнōн. Зєв нимкодь, мый Сыктыв вожын эмōсь йōз, кодьяс тōдōны да пыдди пуктōны ассыныс вужнысō, видзōны паметяс да сьōлōмас важсō, ылō кольōмасō. Сідзкō, огō на бырōй-йивмōй, олам на...

Елена ПЛЕТЦЕР.
Снимокьясыс
Аста Кузнецовалōн.